



Ketouvim (hagiographes) - Esther

Chapter 5

- 5,1 ויהי ביום השלישי, ותלבש אסתר מלכות, ותעמד בחצר בית-המלך הפנימית, נכח בית המלך; והמלך יושב על-כסא מלכותו, בבית המלכות, נכח, פתח הבית.
- 5,2 ויהי כראות המלך את-אסתר המלכה, עמדת בחצר--בשאה חן, בעיניו; ויושט המלך לאסתר, את-שרביט הזהב אשר בידו, ותקרב אסתר, ותגע בראש השרביט.
- 5,3 ויאמר לה המלך, מה-לך אסתר המלכה; ומה-בקשתך עד-חצי המלכות, וינתן לך.
- 5,4 ותאמר אסתר, אם-על-המלך טוב--יבוא המלך והמן היום, אל-המשתה אשר-עשיתי לו.
- 5,5 ויאמר המלך--מהרו את-המן, לעשות את-דבר אסתר; ויבא המלך והמן, אל-המשתה אשר-עשתה אסתר.
- 5,6 ויאמר המלך לאסתר במשתה ביום, מה-שאלתך וינתן לך; ומה-בקשתך עד-חצי המלכות, ותעש.
- 5,7 ותען אסתר, ותאמר: שאלתי, ובקשתי.
- 5,8 אם-מצאתי חן בעיני המלך, ואם-על-המלך טוב, לתת את-שאלתי, ולעשות את-בקשתי--יבוא המלך והמן, אל-המשתה אשר אעשה להם, ומחר אעשה, כדבר המלך.
- 5,9 ויצא המן ביום ההוא, שמם וטוב לב; וכראות המן את-מרדכי בשער המלך, ולא-קם ולא-זע ממנו--וימלא המן על-מרדכי, חמה.
- 5,10 ויתאפק המן, ויבוא אל-ביתו; וישלח ויבא את-אהביו, ואת-זרש אשתו.
- 5,11 ויספר להם המן את-כבוד עשרו, ורב בניו; ואת כל-אשר גדלו המלך, ואת אשר נשאו, על-השרים ועבדי המלך.
- 5,12 ויאמר, המן--אף לא-הביאה אסתר המלכה עם-המלך אל-המשתה אשר-עשתה, כי אם-אותי; וגם-למחר אני קרוא-לה, עם-המלך.
- 5,13 וכל-זה, איננו שנה לוי: בכל-עת, אשר אני ראה את-מרדכי היהודי--יושב, בשער המלך.
- 5,14 ותאמר לו זרש אשתו וכל-אהביו, יעשו-עץ גבה חמשים אמה, ובבקר אמר למלך ויתלו את-מרדכי עליו, ויבא-עם-המלך אל-המשתה שמם; ויטב הדבר לפני המן, ויעש העץ. {ס}